

Мадинаи Мунаввара зиёрати



16:15 / 29.05.2025 1515

Мадинаи Мунаввара ер юзидаги энг фазилатли шаҳарлардан бири бўлиб, у Пайғамбаримиз Муҳаммад алайҳиссаломнинг ҳижрат қилган жойларидир. Мадинаи Мунавварада (аввалги номи Ясриб) Қуръони Каримнинг кўп оятлари нозил бўлган, Ислом давлати қурилган, саҳобаи киромларни кўрган, Пайғамбаримизнинг муборак жасадларини ўз бағрига олган, улуғ саҳобаи киромлар дафн этилган табаррук шаҳардир.

Мадинаи Мунавварага зиёратга бориш ҳаж ибодатидан ҳисобланмайди. Лекин ҳаж мавсуми бу улуғ шаҳарни зиёрат қилишга энг қулай имкониятдир. Алоҳида яна келишга одамнинг қурби етадимми-йўқми, шунинг учун ҳар бир ҳожи, хоҳ ҳаждан аввал бўлсин, хоҳ кейин бўлсин, Мадинаи Мунавварага зиёратга боришга ошиқади.

Абу Ҳурайра розияллоху анху ривоят қилган ҳадисда Пайғамбаримиз алайҳиссалом: «Менинг масжидимдаги бир намоз ундан бошқасидаги мингта намоздан яхшидир. Фақат Масжидул Ҳаромгина бундан мустасно», деганлар. Чунки Масжидул Ҳаромдаги бир намоз бошқа оддий масжидлардаги юз минг намозга тенгдир.

Зиёратчи, аввало, гуноҳларига тавба қилиб, хусусан, Пайғамбар алайҳиссаломнинг суннатларига хилоф бўлган ишлардан тийилиб, тавба қилиб, кейин зиёратга отланади. Йўлда у зотга салавот ва дурудларни кўплаб айтади. У зотнинг масжидларига киришдан олдин ғусл қилиб, ўзига хушбўй нарсалардан суртади, энг яхши кийимларини кийиб боради. Муборак масжидга ўнг оёғи билан киради ва кириш пайтида:

هَوَّجَ وَبَوَّءَ مِي طَعْنًا لِهَلِّ لَابِ ذُوْعَاءِ هَلِّ لَالِ لُؤْسَرِ يَلَعُ مَالِ سَلَاوُةَ لَالِ لُؤْسَرِ مَسَابِ
كَتَمَ حَرَبًا وَبَأَى لِي لِحَتِّ فَا مُمَّهَلِّ لَالِ لُؤْسَرِ لَالِ لُؤْسَرِ لَالِ لُؤْسَرِ لَالِ لُؤْسَرِ لَالِ لُؤْسَرِ

«Бисмиллаҳи, вассолату вассаламу ъала росулиллаҳ, аъзузу биллаҳил ъазийм ва биважҳиҳил карийм ва султониҳил қодийми минаш шайтони рожийм, Аллоҳумма ифтаҳ лий абваба роҳматик» деб дуо қилади.

Маъноси: «Аллоҳнинг номи билан, Расуллulloҳга салот ва саломлар бўлсин. Улуғ Аллоҳдан унинг каримли ваҳҳи ила, қадим султони ила шайтоннинг ёмонлигидан паноҳ тилайман. Эй Аллоҳ, менга раҳмат эшикларини очгил».

Сўнгра қалбидаги энг яхши дуоларни қилиб, равза сари юради.

يَا بِيَّ آمَنَ: لَأَقَمَّ لَسَوْهَ لَعْلَعُ لَالِ لُؤْسَرِ لَالِ لُؤْسَرِ لَالِ لُؤْسَرِ لَالِ لُؤْسَرِ لَالِ لُؤْسَرِ لَالِ لُؤْسَرِ
يَا رَاخِبُ لَالِ لُؤْسَرِ: «يَضَوْحَ يَلَعُ يَرْبَنَّمَوْهَ لَالِ لُؤْسَرِ لَالِ لُؤْسَرِ لَالِ لُؤْسَرِ لَالِ لُؤْسَرِ لَالِ لُؤْسَرِ

Абу Ҳурайра розияллоху анхудан ривоят қилинади:

«Расуллulloҳ соллаллоху алайҳи васаллам шундай дедилар: **«Уйим билан минбаримнинг орасида жаннат боғларидан бири бор. Минбарим эса Ҳавзи Кавсарим устидадир».**

Бухорий ривоят қилган.

«Мўминнинг умр сафари» китобидан

Ўзбекистон Республикаси Дин ишлари бўйича қўмитасининг 2024 йил 06 февралдаги 02-07/588-рақамли хулосаси асосида тайёрланди.

